

بالله محررات در سادات بوسته خانه سته
تصوف جریده سی نامه کوندر لیدر.
قوطلو نومروسی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابوحنفص عربین مسنه

عرفای امتک مقالات عارفانه لرینه تصوفک صحیفه لری آجیقدر

تصوفه متعلق مباحث شتادن باحث و مکارم اخلاق اسلامیتک تعمینمه خادم مجله مغنویه در

عرفات

بواینر و بوکونلر : عالم اسلامیتک صابیلی آیلری
و کونلریدر . شوال ، ذی القعدة و ذی الحجه آیلری ، عشر
ذی الحجه کونلری و بومیانه ده بالخاصه یوم عرفات اوقات
واعیاد مقدسه اسلامیه دندر . بوازمه مبارکه نک دنیوی
واخروی سعادت حقیقه نامه اهل توحید تائمین ایلدیکی
فوائد عظیمه دن بری دخی وحدت اسلامیه نک تأیید
و تأییدیدر . بوکون عرفاتک ، اوساحه فیض و برکاتک
منظره دلا راسی : یوز بیکلرجه اهل توحیدک بوتون
مقدسات و معنویات ايله وحدت حقیقه واتحاد قدس لرینی
تمثیل ایدن پرلوجه غراسیدر . کره ارضک اقطار و آفاق
بعیده سنده ایسه نیجه یوز میلیونلرجه اخوان دیتک اذکار
و افکارینی استیلا ایدن اقصای غایاتی ، خلاصه اشواق
و مناجاتیدر . بوکون اوساحه علویه بولسان دین
قارداش لرمنز : عموماً اهل اسلامک سعادت و سلامت لرینی
درگاه احدیتدن نیاز ایدرلر ایکن اقطار عالمدن اوقات
خمسده کعبه معظمه به متوجه اولان اهل توحید دخی حجاج
ذوی الابهاجی تبریک ايله کندیلرینک ده بوسعادت
عظمایه نائلیتلری کال حسرت و اشتیاق ايله تمی ایدیورلر
بو برحالت مخصوصه مغنویه درکه جابجا عالم اسلامیتی

مستغرق فیض نی پایان ایتمکدر . ملل و اقوام سائر نک
احوال روحیه لر نه قدر تحلیل ایدیلرسه ایدلسون
اسلامیه خاص اولان روابط مغنویه نک فقدانی سببیه انلر
بو وحدت حقیقه نک بیکانه لریدر . چونکه وحدت حقیقه :
توحید حقیقینک تمارتندندر . براضک هر طرفدن
اومشهد عالیده اجتماع ایلرجه یکدیگرینی اصلا
طانیان موحدین آرمسند . بینه نک وزمان وزمینک
بخش ایلدیکی اذواق روحانیه نک سوانق مغنویه یله
تجلی ایلن - معارفه عمومی بوملت معظمه نک خصایص
مبجله سندندر .

ایشته اومعارفه عمومی و روابط معززه مغنویه نک
تجلیگاه فیوضاتندن بولان یوم عرفاتک و آتی ولی ایدن
عید سعید عمیم البرکاتک مناسبتیه عموماً اخوان دین
حضراته تبریکات درویشانه مزک عرضه بروسيله حسنه
اولق اوزره اشوب مقالیه بی (عرفات) عنوان ببجلیله
قارئین کرامه تقدیم ایدیورز .

عرفات : عرفه کله سنک جمعیدر بقعه مقدسه نک
هر پارچه سنک بر عرفه اولسنه نظراً محال متعدده اعتبار ايله
جعل مشدر . بقعه مذکوره مکة مکرمه نک اون ایکی میل
مسافه بعدنده در اوقات معینه شرعی سنده بوبقعه مبارکه ده
بولتی فریضه حج ارکاننددر یوم مخصوصی ذی الحجه نک

طقوزنجی کونیدر. عرفات لفظک مفردی اولان عرفه کله سئک. مأخذ اشتقاقده اقوال متخالفه وار ایسه ده (معرفت) کله سندن مشتق اولسی مرجحدر. معرفت کله سندن اشتقاقی حقیقه دخی وجوه متعدده کوسترش ایسه ده بواشتقاق وجه وجهی حجاج کرامک اوموقف مقدسده یکدیگرلریله تعارفلیدر بو واسطه دینه ایله افراد واقوام اسلامیه اراسنده تعارف مذکورک بحق وجود وحصولی ایسه شریعت اسلامیه نک کشفاً و شهوداً حکم الهیه و اسرار لدنیه سینه محرم اولان سادات صوفیه جه او ساحه متیمه ده مراعاتی ایجاب ایدن آداب طریقتک ایفاسنه متوقفدر. از جمله آداب مذکورده نک بری : اوبقه مبارکده ترک انانیته کنیدی نفسی علی الاطلاق هر بر کیمسه نک مادوننده کورمکدر چونکه او مشهد مقدسه شایان اولان حالت : انحق ذل و مسکتندر. کنیدی نفسی هر کیم اولورسه اولسون دیگر بر مؤمن موحدک فوقده کررن بر کیمسه مغفرت آلهیه دن محروم اوله بئک معرضنده در اعظم سادات صوفیه دن مطارف بن عبدالله ابن الشخیر ایله بکر بن عبدالله منزلی حضراتی عرفاتک وادی مقدسده بولندقلری ائاده مطرف حضرتلری « یارب ! حجاج مسلمینک دعالرخنی نیم یوزمدن رد ایتمه ! » دیمش و بکر منزلی حضرتلری دخی « اکر بن ایچلرنده بولمسیدم جمله سئک مظهر غفران اولملرخنی تمی ایدردم » دیهرک تواضعده بولمشدر. ایسته بویه بر ادب جلیله رعایتکار اولانلر دیگرلری نک درجات معنویه سنی دائماً کندیلری نک فوقده کورمکله رضای اقدس الهی اغورنده هر بر مؤمن موحدک حقیقه التزام ایده جککری تجیل و احترام : بین المسلمین هر درلوغل و غشیدن آزاده اولان اخوت حقیقه نک بادی حصول و دوامیدر .

بنام علیه بوکون و یارین بویه بر یوم اقدسک و برعید اکبر مقدسک نفحات و برکاتیه مستغرق انوار الهی و مظهر فیض بی تناهی اولان عالم اسلامیتی تبریک ایدرک بوتون دین قارداشلر مزک دائماً وحدت اسلامیه

و جهت جامعه دینه ایله شان جلیل اسلامیتک اعلاسه موفق بیورملری الطاف مقدسه صمدانیه دن دعا و نیاز ایلرر .



اخلاق صوفیه

صنعت و حرفت

سادات صوفیه نزدنده سؤال و تستلک ذلندن شرف انسانی محافظه ایدمیلیمک اوزره کدیمین و عرق جبین ایله معیشتی تأمین ایچون برصنعت و حرفتله اشتغال ایلک : واجبات موسعه و نوافل سائریه مرجحدر.

نفقه یومیه سنی حرفت و صنعتله تدارک ایدن بر آدم : جماعتله نماز قیله حق اولورسه نفقه سئک تدارکندن عاجز قاله رق تستله مجبور اوله جفی تقدیرده نه یایمیدر ، دیه حسن بصری رحمه الله تعالی علیه حضرتلرندن سؤال واستفتا ایدلمش و مشار لیه حضرتلری جواباً (یتکسب و یصلی منفرداً) بیورمشلردر ، یعنی نمازینی منفرداً قیله رق کار و کسبیه اشتغال ایتسون دیمکدر.

حرفت و صنعتی ، کدیمین ایله تأمین معیشتی ترک ایدرک و سالیط دینه ایله کچیمک ، جبه و دستارایله ناسک صدقه و احسانه کوز دیکمک : اخلاق طاهره صوفیه کلاً منافیدر

احادیث شریفه نبویه ده (ان الله عزوجل علم آدم علیه السلام الف حرفه و قال قل لولدک یتعلمون هذه الحرف و یا کلون بها و لا یأکلون بدینهم) بیورلمشدر یعنی حق تعالی حضرتلری آدم علیه السلامه بیک درلو حرفت تعلیم ایلدی و اولادک سویله ! بونلری اوکرتسونلر بو واسطه ایله کیچونسونلر دین ایله کیچونسونلر بیوردی . مألده در : امیرالمؤمنین عمر ابن الخطاب حضرتلری بیوریرلر ایدی که کار و کسبی ترک ایله مسجد قبانه رق یارب ! رزقزی ویردیمکیز ! زیرا بو حال سنت سیده مخالفدر